



ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ

Հ Ր Ա Մ Ա Ն

№ 18 թ 25 « 04 » ՕՁ 2014թ .

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ՈՒՍԱՆՈՂՆԵՐԻ ՈՒՍՄԱՆ ՎԱՐՁԱՎՃԱՐՆԵՐԻ ՉԱՓԻ ՊԱՀՊԱՆՄԱՆ, ՓՈՓՈԽՄԱՆ ԵՎ ՎՃԱՐՎԱԾ ՎԱՐՁԱՎՃԱՐՆԵՐԻ ՎԵՐԱԴԱՐՉՄԱՆ ԿԱՐԳԻ ՄԱՍԻՆ

1. Ընդունելության մրցույթի արդյունքում Երևանի պետական համալսարան ընդունված ուսանողների ընթացիկ ուսումնական տարում տվյալ մասնագիտության 1-ին կուրսի համար սահմանված վարձավճարի չափը հաստատուն է ուսանողի ուսումնառության ամբողջ ընթացքում՝ նույն ուսուցման ձևի և ըստ կուրսերի անընդհատ ուսումնառության դեպքերում:

2. Երևանի պետական համալսարանից հեռացված ուսանողների ուսանողական իրավունքների վերականգնումը կատարվում է վճարովի ուսուցման համակարգում և նրանց ուսման վարձավճարը սահմանվում է ընթացիկ ուսումնական տարում տվյալ մասնագիտության 1-ին կուրսի համար սահմանված վարձավճարի չափով, եթե ուսանողը համալսարանից հեռացվել է՝

- ա) ակադեմիական անբավարար առաջադիմության պատճառով,
- բ) անհարգելի բացակայությունների պատճառով,
- գ) ուսման վարձավճարը լրիվ կամ մասնակի չվճարելու պատճառով,
- դ) համալսարանի ներքին իրավական ակտերով սահմանված պարտականությունները չկատարելու պատճառով:

3. Երևանի պետական համալսարան այլ բուհերից տեղափոխված, ինչպես նաև համալսարանի մեկ մասնագիտությունից մեկ այլ մասնագիտություն, կամ հեռակա ուսուցման համակարգից առկա ուսուցման համակարգ տեղափոխված ուսանողների հետ կնքվում է նոր պայմանագիր և նրանց ուսման վարձավճարը սահմանվում է ընթացիկ ուսումնական տարում տվյալ մասնագիտության 1-ին կուրսի համար նախատեսված վարձավճարի չափով:

4. Երևանի պետական համալսարանի տվյալ մասնագիտության առկա ուսուցման համակարգից նույն մասնագիտության հեռակա ուսուցման համակարգ տեղափոխված ուսանողների ուսման վարձավճարը սահմանվում է տվյալ կուրսի համար սահմանված չափով, իսկ տվյալ մասնագիտության հեռակա ուսուցման համակարգից այլ մասնագիտության առկա ուսուցման համակարգ տեղափոխված ուսանողների ուսման վարձավճարը հաշվարկվում է ընթացիկ ուսումնական տարում տվյալ մասնագիտության 1-ին կուրսի համար սահմանված վարձավճարի չափով:

5. Ընդունելության մրցույթի արդյունքում վճարովի ուսուցման համակարգ ընդունված և մինչև բանակ զորակոչվելը ուսման վարձավճարը վճարած ուսանողները զորացրվելուց հետո պահպանում են ընդունելության ուսումնական տարում տվյալ մասնագիտության 1-ին կուրսի համար սահմանված վարձավճարի չափը վճարելու իրավունքը, եթե ուսանողը ուսանողական իրավունքները վերականգնելու վերաբերյալ դիմումը ներկայացրել է զորացրվելու օրվանից հետո 1 տարվա ընթացքում:

Ընդունելության մրցույթի արդյունքում վճարովի ուսուցման համակարգ ընդունված և մինչև բանակ զորակոչվելը ուսման վարձավճարը չվճարած ուսանողների զորացրվելուց հետո, նրանց ուսման վարձավճարի չափը սահմանվում է ընթացիկ ուսումնական տարում տվյալ մասնագիտության 1-ին կուրսի համար սահմանված վարձավճարի չափով:

6. Ուսանողի կողմից վճարված ուսման վարձավճարը ուսանողի կամ նրա օրինական ներկայացուցչի կողմից ներկայացված դիմումի և համապատասխան հիմնավորման համաձայն ենթակա է վերադարձման, եթե՝

- ա) վճարված գումարի չափը ավելին է տվյալ մասնագիտության համար սահմանված վարձավճարի չափից,
- բ) ուսանողն ազատվում է համալսարանից համաձայն իր դիմումի,
- գ) առողջական վիճակի պատճառով ուսանողը ձևակերպում է տարկետում,
- դ) ԱՏ համակարգից կամ կամավոր ազգային բանակ զորակոչվելու դեպքում, բացառությամբ սույն հրամանի 5-րդ կետով սահմանված դեպքերի,
- ե) տեղի է ունեցել ուսանողի կարգավիճակի փոխատեղում (ռոտացիա), ինչի արդյունքում վճարովի ուսուցման համակարգում սովորող ուսանողը տեղափոխվել է անվճար ուսումնառության համակարգ և մինչ այդ նախապես վճարել էր ուսման վարձավճարը,
- զ) այլ հարգելի պատճառների առկայության դեպքում:

Սույն կետի «բ», «գ», «դ» և «զ» ենթակետերում սահմանված դեպքերում, պահվում է (չի վերադարձվում) ուսանողի կողմից վճարված ուսման վարձավճարի այն մասնաբաժինը, որը համապատասխանում է մինչև ուսանողի համալսարանից ազատվելու մասին հրամանի արձակումը համալսարանի կողմից մատուցված ծառայությունների արժեքին:

7. Կազմակերպությունների կողմից, ավելի վճարված ուսման վարձավճարները կարող են վերադարձվել նույն կազմակերպությունների կողմից նման պահանջ ներկայացնելու դեպքում՝ փոխանցման կարգով:

8. Եթե սույն հրամանի 6-րդ կետով սահմանված դեպքերում և կարգով վճարված ուսման վարձավճարը հետ չի վերադարձվել, ապա ուսանողական իրավունքները վերականգնելիս նույն կիսամյակի համար վճարման ենթակա գումարից հանվում է նախկինում վճարված գումարի համապատասխան մասնաբաժինը այն ուսանողների դեպքում, ովքեր՝

- ա) ԱՏ համակարգից կամ կամավոր զորակոչվել են ազգային բանակ և զորացրվելուց հետո մեկամսյա ժամկետում Երևանի պետական համալսարան դիմում են ներկայացրել իրենց ուսանողական իրավունքները վերականգնելու խնդրանքով,
- բ) վերադարձել են սահմանված կարգով ձևակերպված տարկետումից,
- գ) համալսարանից ազատվել են իրենց դիմումի համաձայն:

Սույն կետի «բ» և «գ» ենթակետերում նախատեսված դեպքերում և կարգով, ուսանողական իրավունքները վերականգնելիս ուսանողի համար պահպանվում է համալսարան ընդունվելու պահին սահմանված վարձավճարի չափը, որը ենթակա չէ փոփոխման ամբողջ ուսումնառության ընթացքում, եթե ուսանողը ուսանողական իրավունքները վերականգնելու վերաբերյալ դիմումը ներկայացրել է համալսարանից ազատվելու օրվանից հետո 3 տարվա ընթացքում:

Սույն կետի «ա» ենթակետում նախատեսված դեպքերում և կարգով, ուսանողական իրավունքները վերականգնելիս ուսանողի համար պահպանվում է համալսարան ընդունվելու պահին սահմանված վարձավճարի չափը, բացառությամբ սույն հրամանի 5-րդ կետով սահմանված դեպքերի:


9. Սույն հրամանի կատարման նկատմամբ հսկողությունը հանձնարարել էրևանի պետական համալսարանի ուսումնական աշխատանքների գծով պրոռեկտորին (Ա. Գրիգորյան):

10. Սույն հրամանի մասին սահմանված կարգով տեղեկացնել էրևանի պետական համալսարանի աշխատողներին և ուսանողներին:

11. Սույն հրամանի ընդունման պահից ուժը կորցրած ճանաչել էՊՀ ռեկտորի 30.08.2013թ. թիվ 154Տ48 հրամանը:

12. Սույն հրամանն ուժի մեջ է մտնում ստորագրման պահից:

ԵՊՀ ՌԵԿՏՈՐ



Ա. Վ. ՍԻՍՈՆՅԱՆ